

UGOVOR
Br. 0602-4509-5/19
o nabavci usluga fizičke zaštite ljudi i imovine

UGOVORNE STRANE

UGOVORNI ORGAN: KJKP „Pokop“ d.o.o. Sarajevo, Mula Mustafe Bašeskije 38, kojeg zastupa direktor, Goran Cerić (u daljem tekstu: Ugovorni organ)
ID broj: 4200119040004; porezni broj PDV: 200119040004;

DOBAVLJAČ: Agencija za zaštitu ljudi i imovine „SECURITAS“ d.o.o., Bačići 3 Sarajevo, kojeg zastupa Valdin Jažić (u daljem tekstu: Dobavljač)
ID broj: 4227417480004, porezni broj PDV: 4227417480004;

UVODNE ODREDBE

Član 1.

Ovaj Ugovor se zaključuje na osnovu provedenog Direktnog postupka za javnu nabavku – usluge fizičke zaštite ljudi i imovine, prihvaćene ponude Dobavljača broj 0602-4509-3/19 od 27.12.2019. godine i Odluke o izboru najpovoljnijeg ponuđača broj 0602-4509-4/19 od 27.12.2019. godine.

PREDMET UGOVORA

Član 2.

Predmet ovog Ugovora je nabavka usluga fizičke zaštite ljudi i imovine, prema prihvaćenoj ponudi sa specifikacijom usluga, koja čini sastavni dio ovog Ugovora.

Član 3.

Pod uslugama fizičke zaštite ljudi i imovine podrazumjeva se fizička zaštita ljudi i imovine od uništenja, oštećenja, krađe i drugih oblika opasnog ili štetnog djelovanja.

UGOVORENA CIJENA

Član 4.

Ugovorena cijena za usluge iz člana 2.ovog Ugovora iznosi :

Cijena usluge koja su predmet ovog Ugovora bez PDV-a iznosi	5.934,00 KM
PDV na ponuđenu cijenu usluga iznosi	1.008,78 KM
Cijena usluge koja su predmet ovog Ugovora sa PDV-om iznosi	6.942,78 KM

PLAĆANJE

Član 5.

Ugovorni organ će plaćanje cijene iz člana 4. ovog Ugovora, izabranom Dobavljaču izvršiti u roku do 30 (trideset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje. Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 6.

Dobavljač se obavezuje da će uslugu definisanu članom 2. ovog Ugovora vršiti u toku 24 (dvadesetčetiri) sata dnevno, svakim danom uključujući dane vikenda i praznika.

OSIGURANJE I NAKNADA ŠTETE

Član 7.

Dobavljač usluga i njegovi zaposleni neće upotrijebiti ili otkriti bilo kom fizičkom ili pravnom licu bilo koju povjerljivu informaciju o Ugovornom organu usluga (bilo pisano, usmeno, elektronski ili na drugi način), a koju dobiju od Ugovornog organa usluga ili na drugi način otkriju prilikom vršenja usluga iz ovog Ugovora.

Dobavljač se obavezuje nadoknaditi Ugovornom organu svaku štetu koja nastane njegovim neispunjenjem ugovorenih obaveza, te koju prouzroči njegov uposlenik na radu ili u vezi s radom. Profesionalna odgovornost (odgovornost iz djelatnosti) Dobavljača po ovom Ugovoru ne može biti veća od 50.000,00 KM, po štetnom događaju, odnosno 100.000,00 KM agregatno na godišnjem nivou. Dobavljač ne odgovara za štetu Ugovornom organu ili trećim licima nastalu uslijed više sile, slučaja radnje samog Ugovornog organa, odnosno lica koje su s njim u radnom odnosu, ugovornom odnosu ili kakvom drugom odnosu ili trećih lica, te drugih okolnosti na koje Dobavljač nije mogao uticati (npr. rata, ratnog stanja, pobuna, nemira, terorizma i sl. pri čemu se gornjim nabrojanjem ne iscrpljuju sve moguće okolnosti na koje Dobavljač nije mogao uticati).

OSNOVNE OBAVEZE DOBAVLJAČA

Član 8.

- Dobavljač usluga garantuje da će sve usluge predviđene ovim Ugovorom i procedurom obavljati profesionalno, na stručan način i u saglasnosti sa uslovima Ugovora. Za pružanje usluga biće angažovani zaposlenici Dobavljača usluga sa odgovarajućom obukom, u skladu sa standardima struke.
- Dobavljač usluge garantuje da će svaki njegov zaposlenik biti obavješten o obavezi čuvanja poslovne i službene tajne.
- Dobavljač garantuje da će usluge definisane članom 1. ovog Ugovora biti kvalitetne, izvršene u roku, a sve navedeno prema ponudi Dobavljača pratnje transporta novca i vrijednosnih pošiljki od službenih prostorija KJKP "Pokop" d.o.o. Sarajevo do poslovne banke naručitelja po zahtjevu Ugovornog organa,
- transporta gotovog novca u vidu preuzetog dnevnog pazara od službenih prostorija KJKP "Pokop" d.o.o. Sarajevo do dnevno/noćnog trezora Dobavljača u terminu poslije završenog radnog vremena,
- transporta gotovog novca iz noćno/dnevnog trezora dobavljača do službenih prostorija KJKP "Pokop" d.o.o. Sarajevo u ulici M.M. Bašeskije 38. u terminu početka radnog vremena,
- davanja na korištenje dnevno/noćnog trezora Dobavljača radnim danima u toku godine za gotovi novac u vidu preuzetog pazara,
- davanja na korištenje dnevno/noćnog trezora Dobavljača u dane vikenda i dane praznika u toku godine za gotovi novac u vidu preuzetog pazara.

Dobavljač usluga neće odgovarati za štetu nastalu usljed nedostatka i propusta Ugovornog organa, koje i pored upozorenja Dobavljača usluga Ugovorni organ nije u razumnom roku otklonio.

OSNOVNE OBAVEZE UGOVORNOG ORGANA

Član 9.

Ugovorni organ se obavezuje da će pružiti sve podatke koji su neophodni za preduzimanje odgovarajućih bezbjednosnih mjera, a naročito da upozori Dobavljača usluga na eventualne zakonske obaveze.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 5. ovog Ugovora).

RASKID UGOVORA

Član 10.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi. Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 11.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 13.

Ovaj Ugovor stupa na snagu danom obostranog potpisivanja Ugovora od strane ovlaštenih lica ugovornih strana i važi 12 mjeseci.

Član 14.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN
KJKP „POKOP“ d.o.o. Sarajevo

direktor Goran Cerić



DOBAVLJAČ
Agencija SECURITAS d.o.o.

Valdin Jažić



Broj, 0602-4509-5/19
Sarajevo, 30.12.2019. god.

Broj, 6281-1/2019
Sarajevo, 30.12.19 . god.